

經卷自供養亦與他人令供養其福甚多佛言憍尸迦若善男子善女人在在處處為人解說般若波羅蜜其福甚多

小品般若波羅蜜經卷第二 潜二

摩醯下呼反問訊下音信黎車先後王種也扭短音恃市詰責上起反螫音釋又呼各篋反若帖匿王上力反

後在漢張判院名善捨田一力開小品般若經一部十卷

小品般若波羅蜜經卷第三 潜三

姚秦三藏鳩摩羅什 譯

小品般若波羅蜜經佐助品第六

佛告釋提桓因言憍尸迦若有善男子善女人教闍浮提人令行十善道於意云何是人以是因緣得福多不釋提桓因言甚多世尊

具

佛言憍尸迦不如善男子善女人以般若波羅蜜經卷與他人令得書寫讀誦其福甚多憍尸迦置是闍浮提及三千大千世界眾生乃至教十方如恒河沙等世界眾生令行四禪四無量心四無色定五神通於意云何是人以是因緣得福多不釋提桓因言甚多世尊佛言憍尸迦不如善男子善女人以般若波羅蜜經卷與他人令得書寫讀誦其福甚多復次憍尸迦若有善男子善女人教闍浮提眾生令行四禪四無量心四無色定五神通是人以是因緣得

得福多不釋提桓因言甚多世尊佛言憍尸
迦不如善男子善女人以般若波羅蜜經卷
與他人令得書寫讀誦其福甚多復次憍尸
迦若有善男子善女人以般若波羅蜜經卷
與他人令得書寫讀誦不如善男子善女人
自爲他人讀誦其福甚多復次憍尸迦若善
男子善女人自爲他人讀誦般若波羅蜜不
如善男子善女人自爲他人解說其義其福
甚多是時釋提桓因白佛言世尊應爲何等
人解說般若波羅蜜義佛言憍尸迦若有善
男子善女人不知般若波羅蜜義故應爲解
說其義何以故憍尸迦未來世當有相似般
若波羅蜜若善男子善女人於是中欲得阿
耨多羅三藐三菩提聞是相似般若波羅蜜
則有違錯釋提桓因言世尊何等是相似般
若波羅蜜憍尸迦當來世有比丘欲說般若
波羅蜜而說相似般若波羅蜜世尊云何諸
比丘說相似般若波羅蜜佛言諸比丘說言

清 小若三

二

森

色是無常若如是求是爲行般若波羅蜜受
想行識是無常若如是求是爲行般若波羅
蜜憍尸迦是名說相似般若波羅蜜憍尸迦
不壞色故觀色無常不壞受想行識故觀識
無常不作如是觀者是名行相似般若波羅
蜜憍尸迦以是因緣故菩薩說般若波羅蜜
義其福甚多復次憍尸迦若有善男子善女
人教闍浮提衆生令得須陀洹果於意云何
是人以是因緣其福多不釋提桓因言甚多
世尊佛言憍尸迦不如善男子善女人以般
若波羅蜜經卷與他人令得書寫讀誦作是
言汝當得是應般若波羅蜜功德其福甚多
何以故須陀洹果從般若波羅蜜出故憍尸
迦置是闍浮提及三千大千世界乃至教十
方如恒河沙等世界衆生令得須陀洹果於
意云何是人以是因緣其福多不釋提桓因
言甚多世尊佛言憍尸迦不如善男子善女
人以般若波羅蜜經卷與他人令得書寫讀

誦作是言汝當得是應般若波羅蜜功德其
福甚多何以故須陀洹果從般若波羅蜜出
故復次憍尸迦若有善男子善女人教闍浮
提衆生令得斯陀含果阿那含果阿羅漢果
辟支佛道於意云何是人以是因緣其福多
不釋提桓因言甚多世尊佛言憍尸迦不如
清 小若三 三

善男子善女人以般若波羅蜜經卷與他人
令得書寫讀誦作是言汝當得是應般若波
羅蜜功德其福甚多何以故汝隨學是法當
得薩婆若法隨得薩婆若法當隨得斯陀含
果阿那含果阿羅漢果辟支佛道憍尸迦置
是闍浮提及三千大千世界乃至教十方如

恒河沙等世界衆生令得斯陀含果阿那含
果阿羅漢果辟支佛道於意云何是人以是
因緣其福多不釋提桓因言甚多世尊佛言
憍尸迦不如善男子善女人以般若波羅蜜
經卷與他人令得書寫讀誦作是言汝當得
是應般若波羅蜜功德其福甚多何以故汝

隨學是法當得薩婆若法隨得薩婆若法當
隨得斯陀含果阿那含果阿羅漢果辟支佛
道復次憍尸迦若滿闍浮提衆生皆發阿耨
多羅三藐三菩提心若有善男子善女人以
般若波羅蜜經卷與之令得書寫讀誦是人
以是因緣其福多不釋提桓因言甚多世尊

佛言憍尸迦不如善男子善女人以般若波
羅蜜經卷與之令得書寫讀誦於意云何是
人以是因緣其福多不釋提桓因言甚多世
尊佛言不如善男子善女人以般若波羅蜜
經卷與一阿毗跋致菩薩作是念是菩薩於
是中學當能修習般若波羅蜜以是因緣般
若波羅蜜增廣流布福多於彼復次憍尸迦
闍浮提所有衆生皆發阿耨多羅三藐三菩
提心若有善男子善女人以般若波羅蜜經
卷與之爲解其義於意云何是人以是因緣
其福多不釋提桓因言甚多世尊佛言憍尸
迦不如善男子善女人以般若波羅蜜經卷

與一阿毗跋致菩薩為解其義福多於彼憍尸迦置是闍浮提及三千大千世界眾生乃至教十方如恒河沙等世界眾生皆發阿耨多羅三藐三菩提心若有善男子善女人以般若波羅蜜經卷與之為解其義於意云何是人以是因緣其福多不釋提桓因言甚多

清

小若三

四

卷

世尊佛言不如善男子善女人以般若波羅蜜經卷與一阿毗跋致菩薩為解其義福多於彼復次憍尸迦闍浮提所有眾生皆是阿毗跋致菩薩若有善男子善女人以般若波羅蜜義教之於意云何是人以是因緣其福多不釋提桓因言甚多世尊佛言憍尸迦於是中有一菩薩疾得阿耨多羅三藐三菩提若有人以般若波羅蜜義教之福多於彼憍尸迦置是闍浮提及三千大千世界眾生乃至十方如恒河沙等世界眾生皆是阿毗跋致菩薩若有善男子善女人以般若波羅蜜義教之於意云何是人以是因緣其福多不

釋提桓因言甚多世尊佛言憍尸迦於是中有一菩薩疾得阿耨多羅三藐三菩提若有善男子善女人以般若波羅蜜義教之福多於彼爾時釋提桓因白佛言如是如是世尊隨菩薩近阿耨多羅三藐三菩提轉應以般若波羅蜜義教之亦轉應以衣服飲食卧具醫藥而供養

之其福甚多何以故世尊法應爾隨近阿耨多羅三藐三菩提得福轉多爾時須菩提讚釋提桓因言善哉善哉憍尸迦汝是聖弟子法應佐助諸菩薩以阿耨多羅三藐三菩提安慰護念若佛初發阿耨多羅三藐三菩提心時過去諸佛及諸弟子若不以六波羅蜜

清

小若三

五

卷

安慰佐助者不能得阿耨多羅三藐三菩提憍尸迦佛初發意時過去諸佛及諸弟子以六波羅蜜應安慰佐助故得阿耨多羅三藐三菩提

小品般若波羅蜜經迴向品第七

爾時彌勒菩薩語須菩提菩薩摩訶薩隨喜

福德於餘衆生布施持戒修禪福德最大最勝最上最妙尔時須菩提問弥勒菩薩若菩薩於十方無量阿僧祇世界過去無量滅度諸佛是諸佛從初發心乃至得阿耨多羅三藐三菩提入無餘涅槃乃至法欲滅時於是中間所有應六波羅蜜善根福德及諸聲聞

弟子布施持戒修禪福德所有學無學無漏福德及諸佛戒品定品慧品解脫品解脫知見品大慈大悲利安衆生無量佛法及其所說從是法中衆生受學是諸衆生所有福德及諸佛滅後衆生所種福德合集稱量是諸福德以最大最勝最上最妙心隨喜隨喜已

廻向阿耨多羅三藐三菩提作是願我此福德當得阿耨多羅三藐三菩提若菩薩作是念我以是心廻向阿耨多羅三藐三菩提如心所緣是諸緣諸事為不可得不可得不可得緣諸事不可得如心取相須菩提言若是諸緣諸事不尔者是人將無想顛倒見顛倒心

顛倒無常謂常苦謂樂不淨謂淨無我謂我生想顛倒見顛倒心顛倒若諸緣諸事如實者菩提亦如是心亦如是若諸緣諸事菩提及心無異者何等是隨喜心廻向阿耨多羅三藐三菩提弥勒言須菩提如是廻向法不應於新發意菩薩前說所以者何是人所有

信樂恭敬淨心皆當滅失須菩提如是廻向法應於阿毗跋致菩薩前說若與善知識相隨者說是人聞是不驚不怖不沒不退菩薩隨喜福德應如是廻向菩薩若所用心廻向是心即盡即滅何等心是廻向阿耨多羅三藐三菩提若用心心廻向是二心不俱又心

性不可得廻向尔時釋提桓因語須菩提新發意菩薩聞是事將無驚怖耶菩薩今云何以隨喜福德如實廻向尔時須菩提因弥勒菩薩作是言菩薩於過去諸佛道已斷行已滅戲論盡滅棘刺除重擔得已利盡有結正智解脫心得自在無量阿僧祇世界中滅度

諸佛所有善根福德勢力及諸弟子於諸佛所所種善根合集稱量是諸福德以最大最勝最上最妙心隨喜隨喜已迴向阿耨多羅三藐三菩提是菩薩今當云何不墮想顛倒見顛倒心顛倒若是菩薩用是心迴向阿耨多羅三藐三菩提於是心中不生心相則是

迴向阿耨多羅三藐三菩提若是菩薩於是心中而生心相則墮想顛倒見顛倒心顛倒若菩薩隨喜時是心盡滅相如實知盡滅相盡滅相法則不可迴向迴向心亦如是相所迴向法亦如是相若能如是迴向是名正迴向菩薩摩訶薩應以隨喜福德如是迴向若

菩薩於過去諸佛所有福德并諸弟子及凡夫人乃至畜生聞法種善根及諸天龍夜叉乾闥婆阿修羅迦樓羅緊那羅摩睺羅伽人非人等聞法發應薩婆若心合集稱量是諸福德以最大最勝最上最妙心隨喜隨喜已迴向阿耨多羅三藐三菩提若菩薩如是念

滑 小若三

七

新

是諸法皆盡滅所迴向處亦盡滅是名隨喜福德正迴向阿耨多羅三藐三菩提又菩薩如是知無有法能迴向法是名正迴向阿耨多羅三藐三菩提若菩薩如是迴向則不墮想顛倒見顛倒心顛倒何以故是菩薩不貪著迴向故是名無上迴向若有菩薩於福德作起法取相分別則不能以此福德迴向何以故是作起法皆是離相隨喜福德亦是離相若菩薩知所念作起法皆離當知是為行般若波羅蜜又諸過去滅度佛善根福德亦如是迴向所用迴向法性相亦如是若能如是知是名正迴向阿耨多羅三藐三菩提何以故諸佛不許取相迴向故若法過去盡滅是法無相不可以相得若如是亦分別是名取相若如是亦不分別是名正迴向云何不取相分別而能迴向菩薩以是事故應學般若波羅蜜方便若不聞不得般若波羅蜜方便則不能入是事若不聞不得般若波羅蜜

方便能以諸福德正迴向者無有是處何以故是人於過去諸佛身及諸福德皆已滅度而取相分別得是福德欲以迴向如是迴向諸佛不許亦不隨喜何以故是皆於法有所得故所謂於過去滅度諸佛取相分別有所得而迴向即是大貪著以是有所得心迴向

者諸佛不說有大利益何以故是迴向名為雜毒衰惱辟如美食其中有毒雖有好色香美以有毒故不可食之愚癡無智之人若食此食初雖香美可意食欲消時有大苦報如是有人不正受讀誦不解其義而教諸弟子迴向語言善男子來如過去未來現在諸佛

戒品定品慧品解脫品解脫知見品并諸聲聞弟子及凡夫人所種善根及諸佛與眾生授辟支佛記是辟支佛所種善根及與菩薩受阿耨多羅三藐三菩提記是諸菩薩所種善根合集稱量是諸福德隨喜隨喜已迴向阿耨多羅三藐三菩提是人如是迴向是迴

清小者三

八

殊

向取向分別故名為雜毒如雜毒食有所得者無有迴向何以故是有所得皆是雜毒故以是故菩薩應如是思惟過去未來現在諸佛善根福德應云何迴向名為正迴向至阿耨多羅三藐三菩提若菩薩欲不謗諸佛應如是迴向如諸佛所知福德何相何性何體

何實我亦如是隨喜我以是隨喜迴向阿耨多羅三藐三菩提菩薩如是迴向則無有咎不謗諸佛如是迴向則不雜毒亦名隨諸佛教復次菩薩應以隨喜福德如是迴向如戒品定品慧品解脫品解脫知見品不繫欲界不繫色界不繫無色界非過去非未來非現在以無繫故是福德迴向亦無繫所迴向法亦無繫迴向處亦無繫若能如是迴向則不雜毒若不如是迴向名為邪迴向菩薩迴向法如三世諸佛所知迴向我亦如是迴向阿耨多羅三藐三菩提是名正迴向今時佛讚須菩提言善哉善哉須菩提汝能為諸菩薩

摩訶薩作佛事須菩提若有三千大千世界
 衆生皆行慈悲喜捨心四禪四無色定五神
 通不如是菩薩迴向福德最大最勝最上最
 妙復次須菩提若有三千大千世界衆生皆
 發阿耨多羅三藐三菩提心是一一菩薩於
 恒河沙等劫以有所得心供養如恒河沙等
 階小若三九公

世界衆生衣服飲食卧具醫藥一切樂具如
 是一一菩薩皆於恒河沙等劫以有所得心
 供養是諸衆生衣服飲食卧具醫藥一切樂
 具於意云何是諸菩薩以是因緣得福多不
 須菩提言甚多世尊不可譬喻若是福德有
 形恒河沙等世界所不能受佛讚須菩提言

善哉善哉須菩提若菩薩爲般若波羅蜜所
 護故能以是福德迴向於前有所得心布施
 福德百分不及一千万億分不及一乃至算
 數譬喻所不能及尔時四天王天上二万天
 子合掌禮佛作是言世尊是菩薩迴向名爲
 大迴向以方便故勝於有所得菩薩布施福

德何以故是菩薩迴向爲般若波羅蜜所護
 故尔時切利天上十萬天子以天華香塗香
 末香天衣幢幡天諸伎樂而供養佛皆作是
 言世尊是菩薩迴向名爲大迴向以方便故
 勝於有所得菩薩布施福德何以故是菩薩
 迴向爲般若波羅蜜所護故夜摩天上十萬

天子兜率陀天上十萬天子化樂天上十萬
 天子他化自在天上十萬天子皆以天華天
 香乃至伎樂而供養佛皆作是言世尊是菩
 薩迴向名爲大迴向以方便故勝於有所得
 菩薩布施福德何以故是菩薩迴向爲般若
 波羅蜜所護故梵世諸天子大聲唱言是菩

薩迴向名爲大迴向以方便故勝於有所得
 菩薩布施福德何以故是菩薩迴向爲般若
 波羅蜜所護故梵輔天梵衆天大梵天光天
 少光天無量光天光音天淨天少淨天無量
 淨天遍淨天無雲行天福生天廣果天無廣
 天無熱天妙見天善見天阿迦賦吒天上諸

天子合掌禮佛皆作是言世尊是善男子善
女人求佛道者甚為希有為般若波羅蜜所
護故能勝有所得菩薩布施福德何以故是
菩薩迴向為般若波羅蜜所護故尔時佛告
淨居諸天子置是三千大千世界衆生若十
方恒河沙等世界衆生皆發阿耨多羅三藐

三菩提心是一一菩薩於恒河沙等劫以有
所得心供養十方如恒河沙等世界衆生衣
服飲食卧具醫藥一切樂具如是一一菩薩
皆於恒河沙等劫以有所得心供養是諸衆
生衣服飲食卧具醫藥一切樂具若有菩薩
於過去未來現在諸佛所有戒品定品慧品

解脫品解脫知見品并諸聲聞弟子及凡夫
人所種善根合集稱量是諸福德以最大最
勝最上最妙心隨喜隨喜已迴向阿耨多羅
三藐三菩提其福甚多尔時須菩提白佛言
世尊如佛所說是諸福德合集稱量以最大
最勝最上最妙心隨喜隨喜已迴向阿耨多

羅三藐三菩提世尊云何名為最大最勝最
上最妙隨喜佛告須菩提若菩薩於過去未
來現在諸法不捨不念不得於此中無有法
若已生滅若今生滅若當生滅如諸法實相
隨喜迴向阿耨多羅三藐三菩提亦如是須
菩提是名菩薩最大最勝最上最妙隨喜迴

向復次須菩提菩薩若欲於過去未來現在
諸佛布施持戒忍辱精進禪定智慧解脫解
脫知見隨喜應如是隨喜如解脫持戒亦如
是解脫定慧解脫解脫知見亦如是如解脫
信解亦如是如解脫隨喜亦如是如解脫未
來未生法亦如是如解脫過去無量阿僧祇

世界諸佛及諸弟子亦如是如解脫今現在
十方無量阿僧祇世界諸佛及諸弟子亦如
是如解脫未來無量阿僧祇世界諸佛及諸
弟子亦如是是諸法相不繫不縛不解不脫
以是迴向阿耨多羅三藐三菩提不生不滅
故須菩提是名菩薩最大最勝最上最妙隨

喜迴向以是迴向勝於十方如恒河沙等世
界諸菩薩以有所得心皆於恒河沙劫供養
十方如恒河沙等世界眾生衣服飲食卧具
醫藥一切樂具以有所得心布施持戒忍辱
精進禪定於此隨喜迴向福德百分不能及
百千萬億分不及一乃至算數譬喻所不能及

小品般若波羅蜜經泥犁品第八

尔時舍利弗白佛言世尊是般若波羅蜜佛
言是般若波羅蜜世尊般若波羅蜜能作照
明世尊般若波羅蜜所應敬禮世尊般若波
羅蜜能與光明世尊般若波羅蜜除諸闇冥
世尊般若波羅蜜無所染汙世尊般若波羅

蜜多所利益世尊般若波羅蜜多所安隱世
尊般若波羅蜜能與盲者眼世尊般若波羅
蜜能令邪行者入正道世尊般若波羅蜜即
是薩婆若世尊般若波羅蜜是諸菩薩母世
尊般若波羅蜜非生法者非滅法者世尊般
若波羅蜜具足三轉十二相法輪世尊般若

波羅蜜能為孤窮者作救護世尊般若波羅
蜜能滅生死世尊般若波羅蜜能示一切法
性世尊應云何敬視般若波羅蜜佛言如敬
視佛敬禮般若波羅蜜如敬禮佛尔時釋提
桓因心念舍利弗何因緣作是問念已問舍
利弗何因緣作是問舍利弗言菩薩摩訶薩

以般若波羅蜜隨喜福德迴向薩婆若故於
上諸菩薩所有布施持戒忍辱精進禪定等
其福最勝是故我作是問憍尸迦譬如盲人
雖有百千萬眾無有導者不能進趣城邑聚
落憍尸迦五波羅蜜離般若波羅蜜亦如盲
人無導不能修道至薩婆若若五波羅蜜為

諸

小者三

上

其六

般若波羅蜜所護則為有目般若波羅蜜力
故五波羅蜜得波羅蜜名舍利弗白佛言世
尊云何生般若波羅蜜佛言若菩薩不生色
則生般若波羅蜜不生受想行識則生般若
波羅蜜如是生般若波羅蜜為成何法舍利
弗如是生般若波羅蜜於法無所成若無所

成則名般若波羅蜜釋提桓因白佛言世尊
般若波羅蜜亦不成薩婆若耶憍尸迦般若
波羅蜜成薩婆若但不如名相作起法成世
尊當云何成佛言如不成如是成釋提桓因
白佛言希有世尊般若波羅蜜不為生不為
滅故有須菩提白佛言世尊菩薩如是亦分

別則失般若波羅蜜則遠離般若波羅蜜佛
告須菩提有是因緣若菩薩謂般若波羅蜜
空無所有則失般若波羅蜜則遠般若波羅
蜜須菩提是名菩薩般若波羅蜜世尊說般
若波羅蜜為示何法須菩提說般若波羅蜜
不示色不示受想行識不示須陀洹果斯陀

含果阿那含果阿羅漢果辟支佛道不示佛
法須菩提言世尊摩訶波羅蜜是般若波羅
蜜佛言須菩提於意云何以是因緣摩訶波
羅蜜是般若波羅蜜須菩提言般若波羅蜜
於色不作大不作小不作合不作散於受想
行識不作大不作小不作合不作散世尊般
若

十三

十三

三

若波羅蜜於佛十力不作強不依弱四無所
畏乃至薩婆若不作合不作散世尊菩薩如
是亦分別則不行般若波羅蜜何以故般若
波羅蜜無如是相我當度若干眾生即是菩
薩計有所得所以者何眾生不生故般若波
羅蜜不生眾生無性故般若波羅蜜無性眾
生離相故般若波羅蜜離相眾生不滅故般
若波羅蜜不滅眾生不可思議故般若波羅
蜜不可思議眾生不可知故般若波羅蜜不
可知眾生力集故如來力亦集舍利弗白佛
言世尊菩薩若能信是深般若波羅蜜不疑
不悔不難隨順解義是人從何處終來生此

問佛言舍利弗是菩薩於他方佛土命終來
生此間舍利弗菩薩從他方佛土來者曾已
親近供養諸佛問其中義今聞般若波羅蜜
即生歡喜如從佛聞若見般若波羅蜜如見
佛須菩提白佛言世尊般若波羅蜜可聞可
見耶佛言不也世尊是菩薩發心已來幾時

能修習般若波羅蜜須菩提是事應分別有
菩薩得值若干百千萬億佛於諸佛所修行
梵行有於大眾聞深般若波羅蜜無恭敬心
即時捨去須菩提當知是人本於過去諸佛
聞說般若波羅蜜捨去故於今聞深般若波
羅蜜亦捨去身心不和起無智業積集無智

業因緣故誑謗拒逆般若波羅蜜須菩提誑
謗拒逆深般若波羅蜜者即誑謗拒逆薩婆
若誑謗拒逆薩婆若者即誑謗拒逆三世諸
佛須菩提是愚癡人起如是破法重罪業故
若干百千萬劫受大地獄罪從一大地獄至
一大地獄從一大地獄至一大地獄受罪時

若火劫起墮他方大地獄於彼亦從一大地
獄至一大地獄從一大地獄至一大地獄受
罪時若彼火劫起復墮他方大地獄墮他方
大地獄已復從一大地獄至一大地獄從一
大地獄至一大地獄受罪時若彼火劫起還
來墮此大地獄中是人於此復從一大地獄

卷

第十四

十四

卷

至一大地獄受諸劇苦如是展轉乃至火劫
復起受是無量苦惱業報何以故起惡口業
故今時舍利弗白佛言世尊如是罪業似五
逆罪舍利弗汝勿謂此破法罪似五逆罪何
以故是人聞說深般若波羅蜜誑謗拒逆作
是念不應學是法是法非佛所說以是因緣
其罪轉增故亦令他人離般若波羅蜜佛言
是人自壞身亦壞他人身自飲毒亦飲他人
毒自亡失亦亡失他人自不知不解般若波
羅蜜亦教他人不知不解舍利弗我尚不聽
是人出家何況於我法中而受供養何以故
當知是人為汙法者當知是人為是糟粕其
性濁黑若有眾生信受其言者亦當受是劇
苦重罪何以故舍利弗若破般若波羅蜜若
汙般若波羅蜜當知是人破法汙法者舍利
弗白復言世尊不說是人受身大小佛告舍
利弗置是人身量大小不須說也是人若聞
說其身量熱血當從口出若死若近死若聞

說其身量自知此罪憂愁深入身體乾消是故不須說其受身大小舍利弗白佛言世尊唯願佛說是人身量今後世人得為明戒知以是罪業故受是大身佛告舍利弗是事足為後世眾生作大明戒積集如是罪業因緣故受如是無量無邊久劇苦惱舍利弗是事

佛 小若三

主

前

足為善人作大明戒須菩提白佛言世尊善男子善女人應善守護身業口業意業世尊但以口業因緣故得如是重罪耶佛告須菩提以口業因緣故得如是重罪須菩提我法中多有如是等癡人誹謗拒逆深般若波羅蜜須菩提誹謗拒逆深般若波羅蜜者即誹謗拒逆阿耨多羅三藐三菩提誹謗拒逆阿耨多羅三藐三菩提者即誹謗拒逆過去未來現在諸佛菩薩若誹謗拒逆菩薩若者即誹謗拒逆法寶誹謗拒逆法寶者即誹謗拒逆僧寶誹謗拒逆三寶故即起無量無邊重罪之業須菩提白佛言世尊若人誹謗拒逆

深般若波羅蜜有幾因緣須菩提是癡人為魔所使於深妙法不信不解復次須菩提是癡人得惡知識不樂不喜修習善法又深貪著常求他過自高其身卑下他人須菩提以是因緣故誹謗拒逆深般若波羅蜜須菩提白佛言世尊不精進者信解般若波羅蜜甚難佛言如是如是須菩提不精進者信解般若波羅蜜甚難世尊云何不精進者信解般若波羅蜜甚難須菩提色無縛無解何以故識色真性是色受想行識無縛無解何以故識真性是識復次須菩提色前際無縛無解何以故色前際真性是色色後際無縛無解何以故色後際真性是色現在色無縛無解何以故現在色真性是色須菩提受想行識前際無縛無解何以故識前際真性是識識後際無縛無解何以故識後際真性是識現在識無縛無解何以故現在識真性是識世尊般若波羅蜜甚深不精進者信解甚難佛言

如是如是須菩提深般若波羅蜜不精進者
 信解甚難須菩提色淨即是果淨色淨故果
 亦淨受想行識淨即是果淨受想行識淨故
 果亦淨復次須菩提色淨即是薩婆若淨薩
 婆若淨故色淨須菩提色淨薩婆若淨無二
 無別無異無壞受想行識淨即是薩婆若淨
 薩婆若淨故受想行識淨須菩提薩婆若淨
 受想行識淨無二無別無異無壞

十六

小品般若波羅蜜經卷第三 三

棘刺上居勛反弱音誅上音刺
 苦上音逆上音糟粕上音逆上音也

後庵溪張判院名壽捨田一力開小品般若經一部十卷

小品般若波羅蜜經卷第四 潛四

姚秦三藏鳩摩羅什 譯

小品般若波羅蜜經第九

爾時舍利弗白佛言世尊是淨甚深佛言淨
 故世尊是淨明佛言淨故世尊是淨不生欲
 界不生色界不生無色界佛言淨故世尊是

乘元

淨無垢無淨佛言淨故世尊是淨無得無果
 佛言淨故世尊是淨不起佛言淨故世
 尊是淨無知佛言淨故世尊是淨不知色不
 知受想行識佛言淨故世尊般若波羅蜜於
 薩婆若不增不減佛言淨故世尊般若波羅
 蜜淨故於法無所取佛言淨故爾時須菩提
 白佛言世尊我淨故色淨佛言畢竟淨故世
 尊我淨故受想行識淨佛言畢竟淨故世尊
 我淨故果淨佛言畢竟淨故世尊我淨故薩
 婆若淨佛言畢竟淨故世尊我淨故無得無
 果佛言畢竟淨故世尊我無邊故色無邊佛
 言畢竟淨故世尊我無邊故受想行識無邊